

**Bosna i Hercegovina
Federacija Bosne i Hercegovine
Kanton Sarajevo**

P R O G R A M R A D A

**NAČELNIKA OPĆINE STARI GRAD SARAJEVO
ZA 2012.GODINU**

Sarajevo,decembar 2011.godine

S A D R Ž A J

Redni broj	NAZIV OBLASTI
I	Uvodni dio
II	Okvirni plan aktivnosti u 2012.godini
III	Oblast investicija i komunalnih poslova
IV	Oblast privrede:poslovni prostori,poljoprivreda i veterinarstvo
V	Oblast urbanizma i prostornog planiranja
VI	Imovinsko-pravna oblast
VII	Stambena oblast
VIII	Oblast lokalnog razvoja
IX	Oblast odnosa s javnošću i informacionog sistema
X	Oblast obrazovanja,kulture i sporta
XI	Oblast boračko – invalidske zaštite
XII	Oblast socijalne zaštite
XIII	Oblast inspekcijskih poslova
XIV	Prijedlozi općih i pojedinačnih akata,izvještaja i Informacija za Općinsko Vijeće
XV	Završni dio

I U V O D N I D I O

Programske aktivnosti Načelnika Općine Stari Grad Sarajevo za 2012.godinu po svom karakteru su planski akt zasnovan na Ustavnim,zakonskim i statutarnim principima.

Naprijed navedeni principi tako su koncipirani da svojom sadržinom pred općinske organe i službe postavljaju takve zahtjeve koji traže da se javnim poslovima upravljanja u granicama zakona, te da vršeći svoje propisane nadležnosti rade i djeluju u interesu stanovnika Općine i da pri tome snose punu odgovornost.

Po svom karakteru ,ovo je planski akt,što znači da će se sve aktivnosti koje budu predmet ovog akta predvidjeti ,te da će njihova realizacija zavisiti od objektivnih okolnosti koje budu prisutne u datom momentu.

Dosadašnja praksa je pokazala da su se programske aktivnosti u najvećem procentu i realizirale onako kako su i planirane,a što će biti jedan od osnovnih ciljeva i ovog Programa.

II OKVIRNI PLAN AKTIVNOSTI U 2012.GODINI

U 2012.-oj godini, kao i svake godine do sada, nastojat će se okončati aktivnosti koje su započete u ranijem periodu, a radit će se na otpočinjanju novih aktivnosti u onim segmentima u kojima je propisana nadležnost općine kao jedinice lokalne samouprave,odnosno u pogledu kojih aktivnosti postoji izražen pravni interes općine.

I dalje će se raditi na jačanju lokalne zajednice,i to kroz:

- dalje jačanje MZ i Savjeta MZ
- uključivanje u postupke donošenja zakonskih akata na kantonalnim i federalnim nivoima vlasti

Općina je povodom navedenog već uzela aktivno učešće u proceduri donošenja Zakona o lokalnoj samoupravi u Kantonu Sarajevo putem Radne grupe (o čemu je Općinsko vijeće u par navrata i informisano). Aktivnosti na ovom planu bit će nastavljene i u 2012.godini.

Naše aktivnosti bit će usmjerene i u postupak donošenja drugih zakonskih akata,kao npr.Zakon o koncesijama na federalnom nivou,Zakon o imovini Kantona Sarajevo,Zakon o komunalnim djelatnostima,i dr.

Dakle,evidentna je naša namjera da i u budućem periodu budemo aktivan sudionik ovih zbivanja koja pored navedenog (zaštita interesa), imaju za cilj i davanje određenog doprinosa kako bi doneseni akti bili u službi kako njihovih donosioca,tako i građana .

- zaštitu interesa Općine u svim situacijama kada je u pitanju očigledna povreda prava na lokalnu samoupravu koja se ogleda u donesenim zakonima kojima su ta prava povrijeđena.

U vezi sa naprijed navedenim Općina Stari Grad Sarajevo putem Općinskog pravobranilaštva izvršila je pripremne radnje za pokretanje postupka pred nadležnim sudom povodom donesenog Zakona o koncesijama u Kantonu Sarajevo, a na kojim aktivnostima će biti težište u 2012. godini.

- poboljšanje uslova života i rada stanovnika Općine
- dr.

Što se tiče oblasti investicija, najveći broj njih koje su planirane u prethodnom periodu i okončane su ili privedene kraju. Određen broj investicija nastojat će se realizovati i u 2012. godini, a što će direktno zavisi kako od naših realnih finansijskih mogućnosti, tako i od spremnosti drugih nivoa vlasti (Grad, Kanton i Federacija) da sufinansiraju određene projekte, odnosno da sredstva koja su u svojim Budžetima planirala za potrebe Općine i faktički realizuju.

Rad na socijalnim programima i dalje će biti prisutan, i usmjerit će se, kao što je slučaj i do sada, na pomoć najugroženijoj populaciji: boračkoj i socijalno najugroženijim kategorijama stanovništva, i to kroz:

- jednokratne novčane pomoći
- stipendiranje djece boračke populacije
- poštovanje Zakona o dopunskim pravima boraca-branitelja
- i na druge načine

Rad sa mladima i omogućavanje ovoj kategoriji stanovništva ostvarivanje određenih prava, a koja su regulisana i odredbama Zakona o mladima u Federaciji BiH, bit će nastavljeni i u 2012. godini. Prethodno će se praktično realizovati kroz omogućavanje volontiranja studentima koji su uspješno okončali studij i na taj način sticanja potrebnog radnog iskustva, kao i kroz prijeme u radni odnos ove kategorije, u slučaju da u 2012. godini dođe do raspisivanja konkursa.

S druge strane, česta su obraćanja i budućih mladih magistranta koji se, u svrhu spremanja magistarskog rada, često obraćaju Općini kroz dostavljanje određenih obrazaca u cilju njihove popune. Kao što se i do sada izlazilo u susret zahtjevima ove vrste, to će se činiti i u narednoj godini.

Namjera nam je da se i slijedeće godine uključimo u projekat „Radi-volontiraj“ koji je namijenjen srednjoškolcima i gdje Općina omogućava ovim mladim ljudima da sagledaju rad općine kao jedinice lokalne samouprave.

Aktivnosti koje su navedene u okvirnom planu predstavljaju samo dio aktivnosti koje se namjeravaju realizirati u slijedećoj godini, i značajan dio njih će biti preciznije definisan u daljem tekstu ovog Programa.

III OBLAST INVESTICIJA I KOMUNALNIH POSLOVA

U oblasti investicija poseban akcenat bit će na radovima koji su otpočeti u ranijem periodu, a čiji se nastavak ili završetak očekuje u 2012. godini, i to:

- vanjsko uređenje objekta OŠ „Sedrenik“
- izgradnja objekta za smještaj socijalno ugroženih građana (sufinansiranje Federacija, Kanton, Općina)
- ulica Save Skarića, Strošići i Ispod Zmajevca predviđene su za asfaltiranje, odnosno popločavanje kaldrme sa iznosom sredstava cca 400.000,00 KM (sufinansiranje Kanton - Općina)
- asfaltiranje ulica: Hladivode put prema rezervoaru, Mustaj-pašin mejdan- plato Sedrenik – Stari rezervoar, Garaplina, Pehlivanuša, Hošin brijeg, i dr. (sredstva Općine)
- asfaltiranje ulice Jarčedoli (sredstva Kantona)
- krpljenje ulica
- izgradnja potpornih zidova: Alije Nametka br.42, Toka Džeka do br.75, Hambina carina (sredstva Općine)
- izgradnja potpornih zidova: Begovac, Grličića brdo, Ramića banja br.53, 40, Pogledine br.10,11, Boguševac br.17, Toka Džeka br.82 (sredstva Kantona)
- sanacija klizišta u saradnji sa Zavodom za izgradnju Kantona Sarajevo u ulicama: Toka Džeka br:66,78 i 80, Vinograd kod br.8., Žagrići
- izgradnja rukohvata na području Općine (jedan dio će biti finansiran iz sredstava Općine, a jedan dio iz sredstava Kantona)
- kanalizacioni radovi: Obhodža i Pogledine kod raskrsnice (sredstva Kantona), Alije Bejtića, Toka Džeka kod Hrapovića, Sedrenik iznad baraka, Fadil Paše Selimovića, i dr. (sredstva Općine)
- popločavanje i kaldrme (jedan dio će biti finansiran sredstvima Općine, a jedan dio sredstvima Kantona)
- izgradnja niša za smeće (sredstva Kanton – Općina)
- horizontalna i vertikalna signalizacija
- sanacija javne rasvjete
- numerisanje objekata na području Općine
- uređenje javnih površina
- asfaltiranje Ulice Ferhadija – projekat koji će biti realizovan u narednom periodu pod uslovom da drugi nivoi vlasti (tu se prije svega misli na Grad i Kanton) participiraju u realizaciji projekta
- izgradnja stambene zgrade na lokalitetu Gazin han u svrhu rješavanja stambenog pitanja interno raseljenih lica (sufinansiranje Općine, Ministarstva za rad, socijalnu politiku, izbjegla i raseljena lica i humanitarne organizacije „Hilfswerk“ Austrija)
- i drugo

IV OBLAST PRIVREDE : POSLOVNI PROSTORI, POLJOPRIVREDA I VETERINARSTVO

U ovoj oblasti u narednom periodu posebna pažnja će se posvetiti:

- nastavku pojačane kontrole korištenja poslovnih prostora na kojima pravo raspolaganja ima Općina Stari Grad Sarajevo
- redovitom kontrolisanju naplate zakupnina
- redovitom kontrolisanju naplate eventualnih evidentiranih dugovanja
- održavanju procenta naplate zakupnina iz 2011.godine,i njenom povećanju u skladu sa planiranim za 2012.godinu (plan za 2012.godinu 7.100.000,00)
- ustroju,ažuriranju i evidentiranju podataka o samostalnim privrednicima u skladu sa novim programom Federalnog Finistarstva razvoja,poduzetništva i obrta
- realizaciji projekta „Proizvodnja u plastenicima“
- realizaciji projekta“Razvoj pčelarstva na području Općine Stari Grad“
- realizaciji projekta „Stimulisanje stočarske proizvodnje“
- analizi plana o prioritetima lokacija za uređenje javnih zelenih površina
- realizaciji projekta „Najljepše avlije,balkoni,ulazi i detalji“
- analizi plana o pogodnim lokacijama za pošumljavanje u saradnji sa „Sarajevo – šumama“d.o.o.Sarajevo na području Općine
- zdravstvenom nadzoru životinja – sprječavanju pojave bolesti,stalnom praćenju situacije,kontaktima sa proizvođačima,veterinarskom stanicom i veterinarskom inspekcijom
- učešću u realizaciji projekta izgradnje azila za napuštene pse lutilice na nivo Kantona Sarajevo (uključene sve gradske Općine,gradska uprava,Kanton Sarajevo)
- obezbjeđenju participacije za projekat sterilizacije pasa lutilica
- i drugo

V OBLAST URBANIZMA I PROSTORNOG PLANIRANJA

U oblasti urbanizma i prostornog planiranja Općina Stari Grad Sarajevo će u narednoj 2012.godini aktivno učestvovati u prostornom planiranju Općine Stari Grad sa nosiocima izrade planova prostornog uređenja : Zavodom za planiranje razvoja Kantona Sarajevo i drugim subjektima planiranja.

Po dinamici predviđenoj u proceduri izrade prostorno – planske dokumentacije organizovat će se javne tribine i rasprave.

Prethodne će se odnositi na planove prostornog uređenja:

- regulacioni plan „MAHALE – MEDRESE
- regulacioni plan „MAHMUTOVAC“
- regulacioni plan „ALIFAKOVAC – BABIĆA BAŠTA“
- pripreme za pristupanje izradi Urbanističkog projekta „MIHRIVODE“
- nastavak aktivnosti na izradi Urbanističkog projekta „SPOMEN OBILJEŽJA PAPI IVANU PAVLU II“

Nadalje, prema Gradskoj upravi kandidovat će se izrada Regulacionog plana:

- RP „JARČEDOLI“

U oblasti urbanizma takođe će se realizovati i poslovi koji se tiču javnog oglasa za dodjelu lokacija za ljetne bašte za 2012.godinu, raspisati Javni oglas za podnošenje prijave za učešće u radu Komisije za tehnički pregled građevina za 2012. i 2013.godinu.

U ovoj oblasti vršit će se i drugi poslovi predviđeni zakonom i podzakonskim aktima.

VI IMOVINSKO PRAVNA OBLAST

U imovinsko – pravnoj oblasti u 2012.godini nastavit će se aktivnosti u vezi sa realizacijom Ugovora o zajedničkom finansiranju poslova obnove gradske geodetske mreže Sarajeva.

Navedeni projekat realizovat će se u saradnji sa Federalnom upravom za geodetske i imovinsko – pravne poslove Sarajevo.

Prethodno je izuzetno važno za oblast katastra i njegov osnovni cilj je održavanje geodetske mreže.

Ukoliko se u narednoj godini otpočne s procesom popisa imovine Općine „a na inicijativu bilo kog nivoa vlasti, obezbjedit će se svi potrebni uslovi za realizaciju zadatog projekta.

Određene radnje, kao pripremne, već su i urađene, npr. pribavljeni neophodni podaci iz ZK Ureda (preko 1000 ZK izvadaka), sačinjena karta popisa državne imovine (koja do sada ni od koga nije zatražena, ali ista egzistira), i slično.

Pored navedenog, vršit će se i drugi poslovi predviđeni zakonskim i podzakonskim aktima.

VII STAMBENA OBLAST

U stambenoj oblasti nastaviti će se započete aktivnosti u provođenju Odluka koje je donijelo Općinsko Vijeće Stari Grad (Odluke o davanju u zakup stanova na kojima Općina Stari Grad Sarajevo ima pravo raspolaganja, Odluke o dodjeli i prodaji stanova, i dr)

Povodom zakona o vraćanju, dodjeli i prodaji stanova („Službene novine Federacije BiH“, broj 28/05) namjera je i u narednom periodu ostvarivati aktivnu saradnju sa Upravom za stambena pitanja Kantona Sarajevo i u vezi s tim realizovati povrat stanova – vlasništvo Općine, a koja procedura je i regulisana pomenutim Zakonom.

Što se tiče oblasti prodaje stanova na kojima postoji stanarsko pravo u toku 2012. godine će se pojačano raditi na primjeni zakona iz ove oblasti i rješavanju preostalih zahtjeva.

U narednoj godini se očekuje i kompletiranje (izmjene i dopune) Zakona o prodaji stanova na kojima postoji stanarsko pravo, i to u dijelu koji se tiče zamjenskih stanova, što praktično znači rješavanje zahtjeva građana tj. izvornih vlasnika za dodjelu zamjenskih odgovarajućih stanova na način kako to reguliše zakon.

Naime, i dalje će se rješavati pitanja stambenog zbrinjavanja interno raseljenih lica. S tim u vezi, slijedeće godine planira se na lokalitetu Gazin Han gradnja stambene zgrade za deset (10) interno raseljenih porodica, čime će se dodatno smanjiti obaveze Općine po osnovu sekundarnog smještaja, a stambeni problemi tih porodica trajno će se riješiti.

Bitno je napomenuti da će se ova zgrada graditi po istom principu kao i zgrada na Brusuljama, tj. sufinansiranjem Općine, Ministarstva za rad, socijalnu politiku i raseljena lica i humanitarne organizacije „Hilfswerk“ Austrija.

Takođe, intezivirat će se i aktivnosti na iznalaženju lokacija za gradnju još jedne stambene zgrade u svrhu dodatnog zbrinjavanja interno raseljenih lica.

VIII OBLAST LOKALNOG RAZVOJA

U oblasti lokalnog razvoja u 2012. godini planirane su slijedeće aktivnosti:

- nastavak realizacije projekta „Kuća Zanata“
- početak implementacije projekta „Sevdalinka“ u okviru projekta IPA Adriatic - prekogranična jadranska saradnja
- osmišljavanje periodičnog lista „Lokalni razvoj“ koji bi okupio široku lepezu starogradskih subjekata
- organizovanje radionica za predstavnike nevladinih organizacija na temu izrada projektnih zadataka
- jačanju kapaciteta organizacija civilnog društva s područja Općine Stari Grad Sarajevo u različitim sferama djelovanja
- predvođenju i umrežavanju organizacija civilnog društva u cilju što uspješnijeg pristupa domaćim i stranim fondovima
- i drugo

IX OBLAST ODNOSA S JAVNOŠĆU I INFORMACIONOG SISTEMA

U oblasti odnosa s javnošću i informacionog sistema radit će se na:

- daljoj izradi biltena Općine „Starogradski haberi“ (4 puta godišnje)
- instaliranju novih rubrika u oblasti lokalnog razvoja, obrazovanja, kulture i sporta koje promoviraju kulturno – historijske vrijednosti Starog Grada
- uvođenju i razvoju novih komplementarnih servisa (Facebook page Općine i Youtube profil)
- administriranju i redizajniranju sadržaja na Intranet stranici Općine Stari Grad
- održavanju i poboljšanju postignutog stepena funkcionalnosti sistema IT
- održavanju kontinuiteta sistema kvaliteta ISO 9001:2008 (nadzorni audit planiran u mjesecu februaru 2012.godine)
- i drugo

X OBLAST OBRAZOVANJA, KULTURE I SPORTA

U okvirima utvrđenih nadležnosti u ovoj oblasti, aktivnosti u narednoj godini bit će usmjerene naročito na:

- predškolski odgoj i obrazovanje, i to u dijelu koji se odnosi na sagledavanje stanja te predlaganju mjera u cilju njegovog unapređenja
- unapređenje rada predškolskih ustanova i kvalitietu usluga
- koordinaciju sa osnovnim školama u cilju otvaranja i opremanja za rad produženog boravka učenika
- praćenje stanja i podsticanje aktivnosti u oblasti osnovnog odgoja i obrazovanja
- izvršavanje priprema u saradnji sa MZ, predškolskim i zdravstvenim ustanovama oko upisa djece u školsku 2012/2013 godinu
- provođenje procedure u vezi sa stipendiranjem nadarenih učenika u skladu sa Pravilnikom Općinskog Vijeća
- koordinaciju aktivnosti sa Zavodom „Mjedjenica“ i „Vladimir Nazor“ u cilju formiranja mobilnih timova za pomoć djeci s posebnim potrebama
- pripremu i realizaciju općinskih takmičenja učenika osnovnih škola
- pružanje pomoći, u skladu sa mogućnostima, učenicima slabijeg materijalnog stanja za organizovanje škole u prirodi ,ekskurzija, i sl.
- praćenje i uključivanje u aktivnosti koje se odnose na EU – fondove, kao i potencijalne donatore iz BiH koji potiču kulturu i obrazovanje
- organizovanje druženja učenika likovnih i eko sekcija osnovnih škola („Jesenje boje“ i „Miris proljeća“)
- organizovanje rekreacije za sve dobne i polne strukture
- afirmaciji razvoja sporta za omladinske pogone
- afirmaciji sporta invalidnih lica

- organizaciji sportskih manifestacija (malonogometni turnir „Šehidima, poginulim borcima i RVI Stari Grad“, Međunarodni globalni turnir za slijepu i slabovidnu osobu, Šahovski memorijal „Jedan je Hase“, Novogodišnji turnir u malom nogometu „Asim Ferhatović“, Bajramski turnir u malom nogometu, Božićni turnir u malom nogometu, i dr.)
- organizovanju manifestacije u povodu „Dana Općine Stari Grad Sarajevo“
- i drugo

XI OBLAST BORAČKO – INVALIDSKE ZAŠTITE

U oblasti boračko invalidske zaštite planirane aktivnosti su sljedeće:

- Intenzivan rad na provođenju Zakona o provođenju kontrole zakonitosti korištenja prava iz oblasti boračko – invalidske zaštite, a sve u okviru propisanih nadležnosti
- obilježavanje značajnih datuma u periodu 1992. – 1995. godina
- provođenje procedure u vezi sa stipendiranjem djece boračke populacije (srednjoškolaca i studenata) u skladu sa Pravilnikom Općinskog Vijeća
- saradnja sa boračkim organizacijama i udruženjima registrovanim na području Općine
- pružanje pomoći u svim segmentima boračkoj populaciji u skladu sa odredbama Zakona o dopunskim pravima boraca – branitelja BiH
- organizovanje i dodjelu jednokratne novčane pomoći – hedije povodom Dana Općine i vjerskih praznika
- i drugo

XII OBLAST SOCIJALNE ZAŠTITE

U oblasti socijalne zaštite planirane su sljedeće aktivnosti:

- pomoć socijalno ugroženim kategorijama stanovništva, a u skladu sa planiranim sredstvima i važećim Odlukama
- pomoć porodiljama sa područja Općine
- pružanje pomoći licima u stanju socijalne potrebe (jednokratne novčane pomoći, kao i pomoći za liječenje i nabavku lijekova)
- pomoć u sanaciji objekata stanovanja socijalno ugroženih kategorija, u skladu sa Pravilnikom
- pružanje ostalih vidova pomoći (pravna pomoć, dodjela paketa sa hranom, i sl.) socijalno ugroženoj kategoriji stanovništva
- i drugo

XIII OBLAST INSPEKCIJSKIH POSLOVA

U oblasti inspekcijskih poslova planirane su slijedeće aktivnosti:

- pojačan rad na kontroli građenja
- provođenje rješenja inspekcijskog nadzora – postupaka prinudnim putem (sastavljanje liste objekata koji su predviđeni za rušenje, planiranje izvršenja rješenja prinudnim putem, poslovi vezani za prinudno rješenje, i dr)
- pojačan rad na kontroli stanja iz oblasti komunalnih djelatnosti
- intezivna saradnja sa kantonalnom komunalnom inspekcijom u nadzoru na zauzimanju javnih površina
- i drugo

XIV PRIJEDLOZI OPĆIH I POJEDINAČNIH AKATA, IZVJEŠTAJA I INFORMACIJA ZA OPĆINSKO VIJEĆE

Planirane aktivnosti:

- Odluka o privremenom korištenju javnih površina na području Općine Stari Grad Sarajevo
- Odluka o utvrđivanju visine naknade za građevinsko, poljoprivredno i gradsko građevinsko zemljište za 2012. godinu
- Odluka o utvrđivanju visine naknade za pogodnosti gradskog građevinskog zemljišta na području Općine Stari Grad Sarajevo
- Odluka o vidovima socijalne zaštite koji se finansiraju iz Budžeta Općine
- Izvještaj o izvršenju Budžeta Općine Stari Grad Sarajevo za period 01.01.2012.god.-31.03.2012.god., 01.04.2012.god.-30.06.2012.god., 01.10.2012.god.-31.12.2012.god.
- Izvještaj o vršenju inspekcijskog nadzora u oblasti urbanizma i građenja
- Izvještaj o uspjehu i vladanju učenika osnovnih škola u školskoj 2011/2012. godini i upisu djece u prve razrede osnovnih škola
- Informacije o provođenju općih akata koje je donijelo Općinsko vijeće :
 - Informacija o provođenju Odluke o davanju u zakup stanova zakupcima
 - Informacija o provođenju Odluke o prodaji poslovnih prostora zakupcima
 - Informacija o provođenju Odluka iz oblasti imovinsko pravnih odnosa
 - Informacija o provođenju dokumenata prostornog plana
 - Informacija o ostvarivanju boračko invalidske zaštite i drugo
- Informacija o aktivnostima Načelnika Općine
- Informacija o stanju naplate zakupnine u oblasti poslovnih prostora
- Informacija o pripremljenosti za zimsko održavanje saobraćajnica na području Općine Stari Grad Sarajevo

- i drugo

Navedene aktivnosti u oblasti prijedloga općih i pojedinačnih akata, izvještaja i informacija po svom sadržaju predstavljaju dio aktivnosti. Određen dio njih bit će dopunjen Programom rada Općinskog vijeća, dok će određene aktivnosti ove vrste zavisiti i od objektivnih potreba u slučaju kojih će i biti pripremljene za sjednice Općinskog vijeća.

XV ZAVRŠNI DIO

Pravni osnov za donošenje Programa rada Načelnika Općine sadržan je u Statutu Općine Stari Grad Sarajevo i obavezi Načelnika Općine da prezentira svoj rad za narednu godinu.

Programske aktivnosti Načelnika Općine su planski akt koji je polazna osnova za izradu Programa rada Općinskog vijeća za 2012. godinu.

Po svom karakteru i sadržaju ovo je i okvirni akt koji će se kretati u okvirima objektivnih potreba i mogućnosti Budžeta Općine Stari Grad Sarajevo za 2012. godinu.

U vezi sa naprijed navedenim, Načelnik Općine Stari Grad Sarajevo Program rada za 2012. godinu prezentira Općinskom vijeću Stari Grad Sarajevo.

NAČELNIK OPĆINE
mr. Ibrahim Hadžibajrić, s.r.

